

友宜堂集

友宜堂集

PDG

受宜堂集

八萬古州風俗論

納蘭常安履坦著



語曰風被於上而俗成於下其感之也甚微其應之也甚疾浸淫昌熾而不可遽變以其中乎人心也古之聖王身處巍巍之上必取九域之民心而一之於好惡尊親之內日月所照霜露所隊苟有渝易其風消亂其俗者加以不庭不貢之誅豈黷武哉蓋有所

不忍而懲之也。雖然，人心能成風俗，風俗亦可以變人心。上行下效，轉移之機，操之當局，特視之甚易而行之殊難耳。古州境為苗藪地，隔中土，自婚喪大禮以及飲食起居，都非人類，且言語不通，衣服殊製，而欲風俗之移易，不更難乎？抑知天下無不可教之人，無不可教之地。苗雖蠢然，猶有淳龐質樸之遺，豈可棄之而不教？夫面是背非，外良中蠱，紫奪朱黝，亂白諸夏，蓋不免焉。而欲以責不教之苗，不亦過乎？旨哉。

陽明先生之言曰夷之民若未琢之璞未繩之木雖
粗礪頑梗而椎斧尚有可施孔子云君子居之何陋
之有苟地方文武官吏以苗爲子民苗必奉之爲父
母慮其性之悍也以柔克之憫其性之殘也以仁化
之惡其性之貪也以廉感之多疑也孚之以信無恥
也示之以禮朝杖其弊夕正其邪日漸月染而皆圖
於華夏禮法之中矣或曰苗性獷悍如制驕馬如撲
燎原慈德泛泛曷克有濟乎予曰不然陸氏九淵云

天下之事有可立至者有當馴致者定趨向立規模
此可立至者也救宿弊之風俗正久隳之法度此當
馴致者也日至之時陽氣即應立至之驗也大冬不
能一日而為大夏馴致之驗也今日之古州天運貞
而起元剝而來復陽氣已應矣至於變寒為暄消陰
為陽望當局者馴而致之苟恩威互濟教養兼施奉
天子之威靈整蠻夷之惡俗日新又新則彈丸古州
安在不與中土之士民殊途而同歸耶

八萬古州職官論

周禮天官太宰以八法治官府其二曰官職以辨邦
治蓋言居官者各盡其職以辨其邦之治也古州新
闢而設職官則凡所以撫恤羣苗感化而創父之者
皆其官之職也苗性桀驁巢居藪處曼夷我農為虐
劉我邊陲肆毒無忌貌則人行則獸前此無專官無
專職未患而不思防既變而不能制今則撫者撫
者則都江諸苗晏然懾服蒸蒸向化因為之築城郭

嚴防守選擇文武授以爵秩此職官之所由設也雖
然治苗之道剿服難而撫綏更難人心歷久易懈事
習易疎當攻伐之際安危判於頃刻人人莫不戒嚴
今見夫蠢然者覬已破矣膽已奪矣賦其財莫敢與
我爭役其力莫敢與我抗狎而易之玩而忽之日肆
其誅求日肆其凌虐職官之所必然也職官之六役
亦勢所必然也抑知狡悍之輩既畜怨於平日必激
忿於一朝變起倉卒出乎不意呼吸之間即受其禍

雖有知者不能爲之謀况驕慢之官役逞縱之弁兵
能防之乎值此際也若文若武方諉其過於苗曰苗
多反復嗚呼豈盡苗之咎歟然則官之盡職當如何
曰嚴察廝役約束士卒俾蠢然之苟各安生業不困
於誅求不受其凌虐潛移默化仁漸義摩不出三十
年悉我良民矣又何有漢苗之分哉

八萬古州山川論

峰巒叢翠烟幕雲橫黔之山也溪澗滌洄瀾狂波駛

黔之水也其間鍾靈秀產珠玉而邱壑泉石足以供
人探討者正自不少然山川所貴非特標奇觀供遊
眺而已蓋有設險之道焉第險設而竊據者可以固
其圉貪憚者得以盡其利苟或戍守稍疎德威不逮
則理亂因之由斯以觀山川之所係顧不重哉古州
地處遐荒崇巖異谷悉為諸蠻出沒之徑流水平泉
足為羣夷灌溉之資是我所藉以防彼者即彼之所
以自防我所棄以為無利者彼則甚得其利也今則

歸我版圖踴嶺築城倚岡設汛我有以增雄彼因而
失據剡木為舟剡木為楫我可以運載彼徒然望洋
且延袤三十里跬步皆山如列屏如排戟如虎牙傑
立如鳥翅橫開松柏干霄荆榛蔽野取其巨者以建
居室細者以供炊爨無所不宜山下出泉漱石穿雲
不知幾千萬道而客船漁火往來不絕者曰都江次
則車江又次則溶江考黔之水以滴澄盤江麻哈重
安為最然其水迅而深不可通大舟此都江也非特

可以載重兼可直達粵境車江溶江俱可網取魚蟹
收自然之利山川之美如此說者謂古州之山曩昔
採取者寥寥故成蒨菁三江之水漁人無幾是以利
於網罟今則繽紛絡繹往來於山者官也兵也樵南
帆北交錯於水者商與賈也正所謂竭澤而漁焚藪
而田必也設之隔禁則可予曰不然古州之密菁深
林大江曲澗乃蠻苗藏匿之巢穴倚恃之而不恐者
若失所倚恃雖獷悍之性復萌亦無以施其剽掠之

智將潛消其惡而歸於善矣乎之所望者正欲伐菊
筭而通舟楫況山澤自然之利取之不禁用之不竭
所損者小而所益者大又何傷乎

八萬古州古蹟論

古人奮乎百世之上百世以下過其地者輒低徊慨
慕而想見其為人則以其遺蹟之所在有以感動而
激發之也八萬古州自南宋時始有名至明皆棄之
化外又何古蹟之可問然有赫赫於蠻苗之耳目者

曰諸葛營考史載益州雍閬殺太守使郡人孟獲煽
誘諸夷牂牁越雋皆叛建興三年春丞相亮率衆討
雍閬遂平益州永昌牂牁越雋四郡此諸葛營之所
由來也自漢歷今千有餘年此營之垣牆如故果丞
相當日之所築耶抑後世傳之謬耶詳其形勝古州
千餘里可以屯兵立營進則可攻退則可守實無逾
於此地以理度之以年計之雖非丞相當日之所築
或宋元時因舊址而重築之亦未可定而苗人敬畏

之深故十有餘年其名不易且凡有所標目俱以諸
葛名之如洞曰諸葛洞寨曰諸葛寨橋曰諸葛橋甚
至所鑄之銅鼓曰諸葛鼓所織之花錦曰諸葛錦然
則丞相之用兵機警神速著信明威有以服蠻夷之
心不亦更可見哉當丞相出師之際叅軍馬謖送之
曰用兵之道攻心為上攻城為下今不特有以服其
一時之心且有以服其千百年之心孰謂至誠之不
能動物耶夫今日之古州隸入版圖古州之山川中

土之山川也古州之田地中土之田地也古州之蠻
苗可以往來於中土中土之人民可以出入於古州
官此地者設有奮志厲行易俗移風樹立勲績即所
遺之斷井殘墟一邱一壑皆足為後世憑吊之蹟而
發其流連感嘆之思豈特諸葛營而已哉

從祀名賢傳序

天生治天下之聖人必有數人焉以輔其治天生教
天下之聖人亦必有數人焉以行其教治以敷教教

以維治道統與治統非有二也生氏以來帝王代出
至春秋而一變孔子以布衣振木鐸於洙泗從遊如
顏曾冉閔之後徒與臯夔稷契伊萊望散有以異乎無
以異乎當時弟子三十其姓名見於史記家語者七十
十餘人韓子曰孔子之道大而能博門弟子不能徧
觀盡識故學焉而皆得其性之所近或則有聖人之
一體或則具體而微子與氏私淑於百年之後以見
知自任傳聖人之道即聖人之徒也六經之文豈秦

火所能焚數仞之牆豈魯共王所能壞哉漢儒嗣起
訓詁之學居多若董江都鄭高密其最醇者也厥後
隋之龍門唐之昌黎述行其傳而有宋五子獨造闢
與元明而後代有聞人我朝諸先輩尊聞行知恪守
勿替均有功於聖道者是以俎豆馨香與七十子同
與祀享之列於戲夫子日月也諸賢五星十二辰也
經緯宇宙懸象著明瞻仰棖桷奔走朝廷心竊向往
之粵稽祀典四配十哲兩廡之制爵謚封號代有增